

HIERONYMUS.

- ¹ SEMRI, in tribu Benjamin.
² SEMRON, in tribu Zabulon.

ΕΥΣΕΒΙΟΣ.

- Σεριμ, φυλῆς Βενιαμίν.
 Σεμερών, κλήρε Ζαβουλών.

EUSEBIUS.

- SERIM, tribus Benjamin.
 SEMERON, fortis Zabulon.

SEN, cujus fit mentio 1 Reg. vii. v. 12. alibi nusquam, *urbs* videtur fuisse, cum lapis ille monumentum victoriæ, de quo ibi sermo est, dicatur fuisse politus *inter Masphath & Sen*: *Masphath* autem *urbis* nomen erat in confinio tribus Judæ & Benjamin, atque adeo verisimiliter & alterum *urbis* nomen censeretur, ut à duabus hinc inde urbibus istius situs lapidis & monumenti fuerit indicatus. Porro etsi determinatus hujus urbis situs non facile possit indicari, tamen cum lapis ille adjutorii fuerit in tribu Juda, ut supra in *Abenēzer* declaratum est, idemque juxta *Bethsames*, quæ erat in terminis tribus Juda ad Aquilonem, ut habetur Jos. xv. v. 10. & proxima Philisthæorum regioni, ut è 1 Reg. vi. v. 12. colligitur: rursus à Bethsames in describendis terminis tribus Juda Jos. xv. v. 10. proximè versus Occidentem eos producendo veniatur in *Thamna*; hæc verò intra tribum *Dan* ceciderit, sæpèque à Philisthæis possessa sit, necessariò fit ut SEN in tribu *Dan* fuerit, vel in eà regione, quam Philisthæi Danitis eripuerant.

- ³ SENAM, in tribu Juda.

Σεναν, φυλῆς Ιούδα.

SENNAN, tribus Juda.

SENE. Vide paulo post SENNA secundò.

- ⁴ SENNA, terminus Judæ, & usque hodie ostenditur in septimo lapide Hierichus contra Septemtrionalem plagam villa nomine Magdalen, quod interpretatur turris Senna.

Σενά, ὅριον τῆς Ἰδουμαίας. καὶ ἔστι τὴν μεγάλην Σενά ἀπὸ ὁγδοῦς σήμεως Ἱερικῶς εἰς βορρᾶν.

SENNNA, terminus Idumææ. estque nunc magna Senna in octavo lapide Hierichuntis versus Septemtrionem.

- ⁵ SENNA, nomen petra.

⁶ SENNAAR, campus Babylonis in quo turris exstructa est; unde egressus Assur ædificavit Niniven. meminit hujus loci Josephus in 1. Antiquitatum libro ita scribens: de campo, qui in Babylonia regione vocatur Sennaar, narrat Hestiasus historicus dicens; quidam Sacerdotum profugi de templo Enyalii Jovis sacra rapientes in Sannar campum Babyloniæ pervenerunt.

Σενναάρ, πεδῖον Βαβυλωνίως, ἐνθα ὁ πύργος ἀποδομήθη, ἀφ' ἧς ἐξῆλθεν Ἀσσοὺς καὶ ἀποδόμησε τὴν Νινευίν. μέμνηται δὲ αὐτῆς καὶ Ἰωσήπος λέγων οὕτως ἐν τῇ ἀρχαιολογίᾳ. Περὶ δὲ τοῦ λεγομένου Σενναάρ ἐν τῇ Βαβυλωνίᾳ χάρα μνημονεύει Εὐσταθῖος λέγων οὕτως τῶν δὲ ἱερέων τοὺς διασωθέντας ἰοῦ τοῦ Εὐναλῖς Διὸς ἱεράματα λαβόντας εἰς Σενναάρ τῆς Βαβυλωνίως ἐλθεῖν.

SENNAR, campus Babylonis ubi turris ædificata est, unde egressus est Assur, & ædificavit Niniven. meminit ejus & Josephus ita referens primo Antiquitatum de (campo) qui dicitur Sennaar in regione Babyloniæ narrat Hestiasus ita dicens: è sacerdotibus eos, qui salvi profugerant, Enyalii Jovis Sacra capientes venisse in Sennaar Babylonis.

- ⁷ SENNAAR, pro quo Aquila Sennan, Symmachus interpretatur uberem. Meminit hujus & Michæas propheta.

Σενναάρ, ἐν Μιχαῖα, Ἀκύλας, Σενναάρ. Σύμμαχος, εὐθνηοῦσαν.

SENNAN, in Michæa. Aquila. Sennaar: Symmachus, abundantem, uberem.

- ⁸ SENNAR, unde fuit Amraphel, qui adversus Reges Sodomorum bellum gessit.

Σανναάρ, ὅθεν ἦν ὁ πολεμῆσας τοὺς ἀμφὶ τὴν Σόδομα.

SANNAAR, unde fuit is, qui bellum gessit adversus eos, qui erant circa Sodomam.

NOTÆ.

1. Hæc urbs in versione nostra *Samaraim* dicitur Jos. 18. v. 22. BONFRERIUS.

2. De hac vide paulo ante in *Semerom*. IDEM.

3. Hæc in versione nostra *Sanan* appellatur Jos. 15. v. 37. IDEM.

4. In versione nostra Jos. 15. v. 3. *Sina* locus hic appellatur; Num. 34. v. 4. etiam *Senna*. Fuit autem locus hic in extremis tribus Judæ, atque adeo & totius Judæ finibus Australibus, quocirca non potest esse illa, quam hic Hieronymus dicit fuisse ad Septemtrionalem plagam Hierichus; ita enim debuit fuisse toti tribui Judæ & Benjamin Aquilonaris. Quod autem fuerit hæc *Senna* in terminis Judæ Australibus, conjecturam meam attuli ad Num. 34. v. 4. fuisse videlicet petram, & in petra urbem. IDEM.

5. Hæc in versione nostra *Sene* appellatur, de qua habes 1 Reg. 14. v. 4. ubi etiamnum apud Septuaginta Interpretes in omnibus codicibus nomen expressum legitur *Senna*, vel *Sena*. IDEM.

6. Sennaar esse regionis illius, & terræ nomen, in qua Babylon turrisque Babel condita est è Gen. 10. v. 10. & Cap. 11. v. 2. Dan. 1. v. 2. liquet. Hinc & passim Chaldaeus paraphrastes pro *terra Sennaar*, ponit *terram Babylonis*. IDEM.

7. Legitur hæc vox apud Septuaginta interpretes in nonnullis codicibus Michæa 1. v. 11. at alii codices habent *Senan*, quod voci Hebrææ *Ἰσαναν*, vel molliori pronuntiatione *Saanan* multo rectius convenit, voluntque multi Hebræi cum Septuaginta Interpretibus & Aquila esse nomen proprium, alii appellativè vertunt, quod & fecit in versione nostra Hieronymus, qui in exitu dixit. Quod si ut nomen proprium sumendum esset, cum ibi propheta vaticinetur adversum Jerusalem & Judam, confusè saltem aliquomodo de situ hujus loci constitui posset. IDEM.